

Awe ta Diesun di Diesun

Aruba ta cuminsa cu su temporada di Carnaval 71

NET na drempele di e temporada di Sinterklaas, Pasco y sin kita e temporada di eleccion, awe, dia 11 di november, manera custumber, Aruba ta celebra e tradicional Diesun di Diesun, of manera nan ta yama na Hulandes, elfde van de elfde, cu ta simbolisa e comienso di e temporada yena di alegria, musica y colo, cual ta nos temporada di Carnaval, e biaha aki edicion number 71. Aunke e desfile principal y e actividadnan lo tuma luga despues di dia 6 di januari 2025, awe, dia 11 di november, lo marca e comienso di e spirito Carnavalesco riba e isla, un tradicion cu tur aña ta uni e comunidad riba e tono Carnavalesco, e mayor fiesta cultural di Aruba, cu ta unico den e region aki di Caribe.

E celebracion oficial, conoci como e "Apertura di Carnaval," lo tuma luga den Centro di Barrio Noord, cuminsando pa 7'or di anochi. E evento aki, organisa pa Stichting Maneho di Aruba su Carnaval (SMAC), lo conta cu un anochi vibrante di presentacion live. Artista y banda local manera DJ Sky, Tsunami Aruba, Touch of Steel Aruba, Groove Masters, Massive Brassband Int y ShineMusic Official Aruba, lo yena e ambiente di musica y energia. Fuera di esey, e edicion aki, lo trece un novedad special: e lansamento di un website oficial cu lo permiti e siguidonan di Carnaval keda informa y conecta cu e eventonan a lo largo di e temporada.



E ticketnan p'e Elfde van de Elfde ya ta disponibel a traves di e plataforma Pay.AW, permitiendone pa tur join den e celebracion aki cu no solamente ta marca e comienso di Carnaval 71, sino tambe conmemora e di dies aniversario di SMAC.

avianca
the sky belongs to all of us

AUA
ARUBA AIRPORT AUTHORITY

Ban Colombia!

BOOK MESORA! avianca.com

Bogota

Medellin

E evento aki ta priminti ta un experiencia inolvidabel cu lo destaca e energia, creatividad y pasion cu e festividad aki ta caracteriza na Aruba.

TURISTANAN DEN CARNAVAL

Un di e sorpresanan grandi di e aña aki ta e introduccion di un grupo nobo di Carnaval: Aruba Tourist Carnival Group (ATCG). Pa prome biaha e grupo aki lo uni n'e paradanan di Carnaval cu un tema inspira riba mitologia Griego, cargando e nomber "Greek Mythology" den Carnaval 71. Compañia pa nan banda oficial SUONA, ATCG ta invita un y tur pa disfruta y celebra hunto den e vibrante masa di Carnaval 71. E grupo nobo aki ta priminti aña di un toke unico y fresco n'e celebracion ya diverso, destacando e fusion entre creatividad, cultura y innovacion.

KALENDER DI CARNAVAL

E kalender oficial di Carnaval 71 ta inclui un variedad amplio di actividad emocionante cu ta dura te cu maart 2025. Algun evento cu ta destaca ta:

1. 11 di januari: Parada di Flambeau cu lo cuminsa di 8'or di anochi.

2. 18 di januari: eleccion di Reina Infantil y Hubenil

3. 19 di januari: Eleccion di Reina grandi y Sra Carnaval.

4. Dia 15 di februari: Jouvert Morning

5. Dia 16 di februari: Para di Mucha na Playa.

6. Dia 22 di Februari: Parada di Mucha na Noord y Lighting Parade.

7. Dia 23 di februari: Parada di mucha na San Nicolas.

8. Prome di Maart: Parada Grandi San Nicolas

9. Dia 2 di Maart: Parada Grandi di Aruba su Carnaval.

Y sin lubida e demas actividadnan cu por mira riba e calendario di actividad di Carnaval.

Cu Diesun di Diesun, no solamente ta cende e spirito Carnavalesco, sino tambe ta rindi homenahe n'e reisanan cultural di Aruba.

E tradicion aki ta adapta e elementonan Europeo, e ambiente multicultural di e isla, logrando un Carnaval cu alabes ta internacional y autenticamente local.

Cu lansamento oficial di e temporada aki, Aruba ta cla pa briya un biaha mas, e biaha aki cu Carnaval 71. T'e momento di sinti e ritmo, celebra e spirito vibrante di e isla y join n'e experiecia inolvidabel aki cu ta priminti di kibra tur expectativa.



Tara Lounge & Elements Restaurant *Embark on Exciting Renovations!*

The award-winning Elements Restaurant and Tara Lounge are being revamped with elegant, eco-friendly designs, unveiling new planet-forward menus for both the restaurant and its famous Sunday Brunch

THE TARA LOUNGE
REOPENED **OCTOBER 15**

ELEMENTS WILL DEBUT
ITS RENOVATED LOOK ON **DECEMBER 15**

Experience exceptional dining and a new View to Dine For at Bucuti & Tara Beach Resort, Aruba's top-rated resort!

